

根本說一切有部毗奈耶雜事卷第二 貴二

唐三藏法師義淨奉制譯

第一門第二子攝頌之餘說火生長者因緣  
佛在王舍城竹林園時此城中有一長者名  
曰善賢多有資財受用豐足於露形外道深  
生信敬娶妻未久即便有娠尔時世尊於日

乙

第文

初分執持衣鉢入王舍城次第乞食至善賢  
長者宅時彼長者遙見世尊遂將其婦詣世  
尊處請世尊曰薄伽梵我婦有娠為男為女  
佛言長者必當是男光隆家族諸天妙相皆  
具足有於我法中出家修行斷盡諸惑得阿  
羅漢果長者聞記即以清淨上妙飯食盛滿

其鉢持奉世尊佛言願尔無病從舍而出去  
此不遠有露形外道遙見世尊便作是念我  
唯有此常施食家亦被沙門喬答摩之所誘  
攝我今試往問彼因緣何所授記既至門所  
問言長者沙門喬答摩曾來此不答言已來  
何所說耶聖者我婦懷妊問其所誕彼記生

男光隆家族人天妙相皆具足有於我法中  
出家修行斷盡諸惑得阿羅漢果時彼外道  
善明曆數即便觀察計筭陰陽如佛所言更  
無有異便作是念我若隨順讚實事者長者  
於彼倍生尊敬我今宜可掩實說虛作是念  
已即便返掌翻鳴其面長者見已問言聖者

返掌鳴面何所為耶報言長者沙門所說半  
實半虛長者問曰云何虛實答言生男是實  
光隆家族此亦不虛言光隆者是火之異名  
此無福子纔生之後焚燒家族言諸天妙相  
皆具足有此是妄語長者汝頗曾見生在人  
中天相具足於我法中出家修行此亦是實

生後貧寒無衣乏食自然歸向沙門法中斷  
盡諸惑得阿羅漢果者比亦是妄沙門喬答  
摩尚不能斷一切煩惱得阿羅漢況餘弟子  
善賢長者聞斯說已便生憂惱報言聖者我  
欲如何外道言長者我是出家受持禁戒不  
妄陳說虛實之事後自當知遂捨而去善賢

念曰彼腹中者可殺棄之即便授與墮胎之藥然而此子是最後生雖知服毒返成良藥長者遂便蹂婦左脅胎向右邊蹂右脅時轉移左畔最後生人諸漏未亡必無容有中間命斷既經多月時彼女人被接腹痛即便大叫時彼隣人聞其叫聲急來相問何因汝婦

貴二

二

出大叫聲長者答曰我婦腹痛今欲產生隣人遂歸長者念曰我今不能害腹中物宜可將去往空林中無人之處斷其母命即便共去設惡方便令被命終還竊持來至其本宅遂告親屬及以隣人我婦遭難今忽身死時諸親屬咸共盡哀以五色氎圍彼屍骸送往

寒林焚燒之所外道聞已皆大歡喜不勝踊躍遂建幢幡入王城內遍諸坊曲街衢之所高聲唱令作如是言汝等諸人咸須共委沙門喬答摩記善賢長者其婦生男光隆家族人天妙相皆具足有於我法中出家修行斷盡諸惑得阿羅漢果者婦今身死屍送寒林

猶如大樹無有根栽枝葉華果事將安附世尊法介於一切時觀察衆生無不聞見無不知者恒起大悲饒益一切於救護中最為第一最為雄猛無有二言依定慧任顯發三明善修三學善調三業渡四瀑流安四神足於長夜中修四攝行捨除五蓋遠離五支超越

五道六根具足六度圓滿七財普施開七覺華離於八難修八正道永斷九結妙閑九定滿足十力名聞十方於諸自在最為殊勝得法無畏降伏魔怨震大雷音作師子吼晝夜六時常以佛眼觀諸出間於善根處誰增誰減誰遭苦厄誰向惡趣誰陷欲泥誰能受化

貴二

三

作何方便拔濟今出無聖財者令得聖財以智安膳那破無明膜無善根者令種善根有善根者令得增長置人天路安隱無礙趣涅槃城如有頌言

假使大海潮 或失於期限 佛於所化者  
濟度不過時 佛於諸有情 慈悲不捨離

思濟其苦難 如母牛隨犢

尔時世尊於經行所遂便微笑口出五色微妙光明或時下照或復上昇其光下者至無間獄并餘地獄現受炎熱普得清涼若處寒冰便獲溫暖彼諸有情各得安樂皆作是念我與汝等為從地獄死生餘處耶尔時世尊

令彼有情生信心已復現餘相彼見相已皆作是念我等不於此死而生餘處然我定由無上大聖威德力故令我身心現受安樂既生敬信能滅諸苦於人天趣受勝妙身當為法器見真諦理其上昇者至色究竟天光中演說苦空無常無我等法并說二伽陁曰

汝當求出離 於佛教勤修 降伏生死軍

如象摧草舍 於此法律中 常為不放逸

能竭煩惱海 當盡苦邊際

時彼光明遍照三千大千世界還至佛所若佛世尊說過去事光從背入若說未來事光從胃入若說地獄事光從足下入若說傍生

事光從足跟入若說餓鬼事光從足指入若

說人事光從膝入若說力輪王事光從左手掌入若說轉輪王事光從右手掌入若說天事光從臍入若說聲聞事光從口入若說獨覺事光從眉間入若說阿耨多羅三藐三菩提事光從頂入是時光明遶佛三匝從口而

入時具壽阿難陀合掌恭敬而白佛言世尊如來應正等覺熙怡微笑非無因緣即說伽陁請佛曰

口出種種妙光明 流滿大千非一相

周遍十方諸刹土 如日光照盡虛空

佛是眾生最勝因 能除憍慢及憂感

貴二

四

無緣不啓於金口 微笑當必演希奇

安詳審諦牟尼尊 樂欲聞者能為說

如師子王震大吼 願為我等決疑心

如大海內妙山王 若無因緣不搖動

自在慈悲現微笑 為渴仰者說因緣

尔時世尊告阿難陀曰如是如是阿難陀非

無因緣如來應正等覺現微笑汝今應可告諸苾芻如來今欲往屍林處若諸具壽樂隨從者當可持衣時阿難陀承佛教已告諸苾芻若諸具壽樂欲從佛往屍林者當可持衣時諸苾芻咸至佛所尔時大師自調伏故調伏圍遶自寂靜故寂靜圍遶解脫解脫圍

遶安隱安隱圍遶善順善順圍遶阿羅漢阿羅漢圍遶離欲離欲圍遶端嚴端嚴圍遶如栴檀林栴檀圍遶猶如象王衆象圍遶如師子王師子圍遶如大牛王諸牛圍遶猶如鵝王諸鵝圍遶如妙翅鳥諸鳥圍遶如娑羅門學徒圍遶猶如大醫病者圍遶如大將軍兵

衆圍遶如大導師行旅圍遶如大國王諸臣圍遶如轉輪王千子圍遶猶如明月衆星圍遶猶如日輪千光圍遶如持國天王乾闥婆衆圍遶如增長天王鳩槃荼衆圍遶如廣目天王龍衆圍遶如多聞天王藥叉衆圍遶如淨妙王阿蘇羅衆圍遶猶如帝釋三十三天

貴二

五

圍遶如大梵天王梵衆圍遶猶如大海湛然安靜猶如大雲靉靄垂布猶如象王屏息狂醉調伏諸根威儀寂靜三十二相而為莊飾八十種好以自嚴身圓光一尋朗踰千日安步徐進如移寶山十力四無畏大悲三念住無邊福智普薰修無量功德皆圓滿

復有尊者阿慎若憍陳如尊者馬勝尊者婆澀波尊者大名尊者無滅尊者舍利子尊者大目連尊者迦攝波尊者阿難陀尊者頡離伐底如是等諸大聲聞及諸苾芻并無量億人天大衆恭敬圍遶欲往屍林然隨佛遊行有十八種殊勝利益一無王怖二無賊怖三無水怖四無火怖五無敵國怖六無師子虎狼惡獸等怖七無閑塞怖八無津稅怖九無關防援怖十無人怖十一無非人怖十二於時時得見諸天十三得聞天聲十四見大光明十五聞授記音十六共受妙門十七共受飲食十八身無病苦是時人天大衆隨從世

尊至屍林所於其四面有清涼風時王舍城中有二童子一是刹帝利種一是婆羅門種俱出遊戲刹帝利童子素有信心婆羅門童子則不信敬時婆羅門童子報刹帝利童子曰仁今知不汝師如來與善賢長者婦授記生男光隆家族諸天妙相皆具足有於我法

中出家修行斷盡諸惑得阿羅漢果彼婦身死送往屍林豈非世尊所言虛妄時刹帝利童子說伽陀曰

假使星月皆墮落 地山林樹上空中

海水洪波一時盡 大仙所說無虛妄

婆羅門童子曰若如是者共往寒林焚屍之處

處驗其虛實答曰共行時刹帝利童子遙見世尊說伽陀曰

牟尼除斷諸調戲 人天大衆皆雲集

當為最勝師子吼 降伏他論理無疑

大師今往屍林中 涼風周遍吹塞野

無量衆生共瞻仰 喜觀調伏運神通

貴三

六

時影勝王聞如是事世尊記彼善賢之妻當生男子光隆家族諸天妙相皆具足有於我法中出家修行斷盡諸惑得阿羅漢果彼婦今死輦至屍林如來大師及諸聲聞遠近大衆咸赴喪所復作是念非無因緣世尊輒向寒林之處必是為彼善賢妻故因斯調伏有

緣衆生我今宜往共觀其事即令促整軍儀及勅太子後宮妃后并諸扈從共出城圍時彼刹帝利童子遙見影勝王說伽陀曰

今觀國主出王城 并諸軍衆咸侍從

我今思忖諸大衆 必定咸蒙勝饒益

時諸大衆既見世尊即開前路世尊微笑入

大衆中露形之儔各生是念今喬答摩微笑入衆豈非此子命不終耶告長者曰此是薄福衆生形命未盡報言聖者今遭此禍其欲如何答言長者我出家人奉持禁戒但知念善後自當知時彼長者移婦屍骸置於薪上火焚燎猛燄既發身分咸燒唯近腹邊一

無傷損時彼母腹遂便坼裂出青蓮華中有  
孩兒儀兒端正儼然獨坐人所樂觀于時大  
衆見是事已極生希有彼諸外道並失威光  
俱降我慢尔時大師告賢長者者曰汝可抱  
取火中孩子長者猶尚觀外道面露形報曰  
仁今入火形命俱失彼聞生怖不敢取兒世

貴二

七

尊復命侍縛迦汝可火中抱取孩子侍縛迦  
便生念曰世尊不應非處非時使我爲也我  
今宜可取此孩兒以無畏心便於火內抱出  
孩子是時諸天說伽陀曰

佛教令彼入火中 抱取孩兒無所畏  
由佛威神自在力 能令猛燄變清池

尔時世尊告侍縛迦曰汝向入火身無傷損  
生瘡疤耶白言世尊我於王宮生王宮養曾  
以牛頭梅檀香摩觸身體未如今日身受清  
涼佛告善賢長者汝今可取孩子將歸是時  
長者惡見壞心仍不起信還復迴身觀外道  
面邪黨諸人同時報曰長者此兒極是薄福

稟性克暴火能食一切此不燒者明知定是  
可惡堅鞭罪苦衆生日驗共觀更無勞說若  
將至舍必見災危汝之性命定當殞歿人間  
愛重無過己身聞有災殃遂不收採尔時世  
尊告影勝王曰王今宜可取此孩兒王遂驚  
忙舒手承取周迴顧盼請世尊曰此兒當與

作何名字佛告大王此兒從火中得可号火  
生佛觀大衆隨根意樂稱機說法時彼衆中  
有無量萬億衆生得殊勝行或得預流果一  
來不還或復出家即斷諸惑得阿羅漢果或  
得煖頂忍善根或發聲聞菩提心或發獨覺  
菩提心或發無上菩提心或歸依三寶或受

禁戒深起信心時影勝大王即以孩子令八  
養母而供給之廣如餘說

時火生童子大舅先將財物質易他方聞妹  
有娘心生歡喜世尊與記當必生男光隆家  
族廣說如上乃至得果遂即易已財貨更收  
餘物歸王舍城聞妹已死便作是念世尊授

記生男得果豈虛妄耶顧問隣人我妹懷胎蒙佛授記宿懷歡喜今聞身死乖本希望寧容世尊言非是實隣人報曰然佛大師言無虛妄但由彼聳用外道言枉殺令死所生孩子有大威神處炎火中身無傷損今時長養現在王宮舅聞是語往善賢長者處相問訊

貴二

八

已報言長者汝為非理答曰我何所作汝用外道惡見人言我妹有娠枉殺令死所生孩子有大威神處炎火中身無燒損今時長養現在王宮此事既介且不須說若將兒來我當容恕若不介者我當摠集所有鄉親擯斥於汝以籌置地數汝無知於街衢處唱汝惡響我妹無過善賢枉殺害女人者不應共語於法官處以罪相形長者聞已生大憂苦便作是念如說苦詞必不相放便詣影勝王所禮足白言大王具說前事乃至以罪相形唯願垂恩放出童子王曰我不從汝得童子來是佛世尊親授於我汝若須者可往問佛長

者即便往詣佛所禮雙足已白言世尊我有親屬苦相責及廣說其語乃至以罪相形願佛慈悲與我童子世尊念曰若此長者不得兒者便歐熱血以取命終遂告具壽阿難陀曰汝今可往影勝王處并將長者汝傳我語願王無病報言大王可還長者火生童子若

彼長者不得童子必歐熱血以取命終是時尊者阿難陀具傳佛教詣王白知王言尊者為我畔睇世尊足下如佛所教我當奉行時阿難陀願王無病辭之而去王告長者曰我承佛教養此童子情甚憐愛共作要期然後放出日別三時來見我者隨意將去長者答

貴二

九

曰不敢違命時王即便令著上衣具服瓔珞載以香象送至其家人間常事若父在者子名不彰後長者死火生童子自知家務於三寶所深起敬心便於其父害母之地造立僧房受用資具無不充足施與四方一切僧眾名曰蹂腹林是故經云佛在王舍城住蹂復

林時善賢長者曾遣商人他方興易彼聞長者今已身亡火生童子代知家業於三寶所敬心彌著商人多獲牛頭栴檀上妙之鉢便持一鉢盛滿珍寶遣使送與火生彼既得已置高幢上宣令普告若有諸人不用梯登而取此鉢或是沙門婆羅門有大威力神通自

在而取得者我以此鉢施與其人時諸外道晨朝起已出行澡浴見高幢已告長者曰此是何物長者即便具告其事外道答曰長者比來敬釋迦子彼當取耶言訖辭去時有衆多耆宿苾芻入城乞食見彼高幢咸問長者此是何物彼便具答苾芻報曰我豈爲鉢自

顯已能如佛所言覆善彰惡是出家行捨之而去時具壽十力迦攝波從此而過亦問長者此是何物彼還具答于時尊者便作是念我從無始生死已來所有長養煩惱怨家我已變吐悉皆棄捨我今宜可受彼長者普請因緣滿其所願即便舒手如香象鼻至彼幢

標取栴檀鉢持還住處苾芻見問尊者何處得此牛頭栴檀殊勝鉢來彼便具以其事告諸苾芻諸苾芻答曰尊者豈可爲斯木鉢現神通耶報言具壽合與不合我已作訖今欲如何諸苾芻以緣白佛佛言苾芻不應於俗人前現其神力若顯現者得越法罪然鉢有

四種金銀琉璃頗梨所成復有四鉢所謂鑰石赤銅白銅諸木前之四鉢若先無者不應輒受若先有者應須捨棄後之四種若先無者即不應畜若先有者應作藥盂隨時受用合守持鉢有其二種謂鐵及瓦如是應知後於異時火生童子人天妙相悉皆出現從占

責二

十

波城乃至王舍於此中間有輸稅處稅官身死生藥叉中遂於夜夢告其子曰我身死後又神堂於其門前懸一鈴鐸若有諸人持物過時不輸稅者鈴便震響即喚令迴取直放去其子他日於諸親族說其夜夢共觀要處

安置神堂外懸鈴鐸時占波城有婆羅門妻遂作是念此婆羅門隨處經紀所獲財物物常食用端拱而坐不事生業是所不應遂往市中買取劫具然成細縷於織師處令其好織直千金錢既得一雙氎已執其夫曰此之白氎直千金錢可往市中賣取其價若有買者善若無人問報曰市上無人更向餘處其夫持去市中賣之言索千錢竟無酬價便即唱言市無人物即以其氎內於傘柄竹筒孔中共諸商旅詣王舍城漸至神堂藥叉稅處與諸人衆同輸稅已既欲登途懸鈴響發稅官聞已共相告曰鈴既發響稅物未周宜更審觀無令脫漏更迴商旅子細搜求遍察資財無不稅者遂放商人鈴還發響復更觀察詳審再三商人怪之各生嫌恨報稅官曰汝欲劫我方便擁留是時稅官分彼商人以爲兩處於一朋中無婆羅門者無聲放去彼一朋去鈴還作聲復分二朋如是去留商人皆

貴二

上

盡唯婆羅門一人獨住稅官執捉不許前行婆羅門曰察我緣身有物隨取彼遍搜已無物放行鈴更發聲復還捉住報言婆羅門汝縱有財我不取分應爲實語勿誑靈祇我欲表知神明是聖婆羅門曰言不虛者我當實報於傘柄中抽出雙氎稅官見已驚歎希奇善哉大神記不虛妄時彼稅官取其一氎開與神披婆羅門曰君等明言不取稅直今看形勢揔欲奪將報言勿怖我不取物欲表大神言無虛妄暫將一氎用報神恩即還汝去彼既受已內傘筒中隨路而去漸至王舍城向大市中舒張其氎索千金錢竟無一人來共酬直便於市中唱言無市時火生童子從王宮出乘大象入市欲歸本宅聞唱令聲問其何故唱言無市喚來我問婆羅門至問言何故云城無市婆羅門言我有雙氎價直千錢竟無一人共相酬酢報言將來試爲觀察彼便呈現火生報曰一氎是新一氎曾著

曾著者酬二百五十其未著者酬五百錢  
主報曰何意如此並未曾用火生曰令汝自  
觀驗知虛實將未用者開擲空中如蓋而住  
徐徐向下次擲用者即速墮地毘王見已心  
生希有報言長者仁有大智神叡超羣火生  
童子復更報曰其未用者置棘刺上不入而

過其曾用者被鉢繫住如言有實時婆羅門  
更生希有報言長者聰明智實未曾有隨  
所酬直取毘將歸火生報曰仁是客行聊申  
供養無勞減價摠取千錢婆羅門取已歡喜  
而去是時長者將曾用毘與家人著其未用  
者自充浴衣後於異時其影勝王與諸大臣

昇高閣上火生長者洗浴之服曬在樓隅忽  
被風吹墮在王處王曰此衣乃是天所著衣  
從何而至大臣報曰曾聞古王名曼陀多七  
日之中天雨金寶王今衣墮不久金來王曰  
我聞火生長者佛與授記有人天妙相此妙  
天衣從空而墮待彼來至我當與著火生既

貴二

十一

來王言童子世尊記汝有人天妙相此妙天  
衣從空而墮亦可著之即便舒手受取王衣  
得已審觀乃是已物遂便微笑白言大王王  
曾觸不報言已觸白言既捉毘衣宜可洗手  
此非天服是臣浴衣王曰何以得知答曰餘  
有一衣與家人著與此相似王可驗知王見

是已極生希異報言童子汝今豈可入天妙  
相皆出現耶答言已出若如是者何不請我  
暫往舍中大王若許令便奉請王言可去備  
辦飲食白言大王若有人天妙相而出現者  
彼則自然無勞營作即宜整駕共至家庭王  
即就宅見彼外門驅使婦女王便低目長者

白言何故低目王言我避汝婦報言是外使  
者非是臣婦王言希有次見內人王便低目  
長者復問王如前答報言此亦使者非是我  
婦王聞是已轉生奇異次至中門見琉璃地  
湛若清池於其門上置機關魚影便現內王  
既見已請是水池即便脫履火生白言王何

脫疑王曰今將入水恐有露濡火生曰此非是水是琉璃地王曰何因魚動答曰非魚是機關影王心不信便脫指環擲之于地指環震響轉向一邊王更嗟甚昇師子座時彼內人皆來拜謁未起之頃女皆泣淚王問火生曰何因內人見我流淚答曰非是帝泣由王

貴二

十三

衣服栴檀沉水香煙所熏煙氣損睛致使流淚時影勝王受天妙樂殊勝難思就欲無厭不還宮內國之機務悉皆棄捨時諸大臣啓未生怨太子曰國主大王入火生長者所居之宅就著欲樂不肯還宮唯願太子往白其事時未生怨即至王所白言大王何為任此不顧萬機王語太子曰汝豈不能於一日中知當國事太子曰大天言謂唯一日耶自從出宮以經七日王聞語已觀火生面作如是語實已七日答曰實尔王曰若尔如何得知晝夜之別火生白言大天若見花開合寶珠光不光鳥有鳴不鳴知其晝夜別王曰我仍

未知答言有花夜開晝合自有夜合晝開有珠夜闇晝明自有夜明晝闇有鳥夜便發響自有晝日方鳴王聞是已深生奇異報言童子大師世尊言無虛妄如所記事汝悉受之

根本說一切有部毗奈耶雜事卷第二

娠身音盛滿成上音誘音妊而音誕音翻音鳴下音  
蹂而音脅虛音接反音豔音瀑音流報音陷音  
熙怡上音那中音膜莫音憤音摧反音足音跟下音  
代屏息下音慎若下音澀字音頡離上音敵音  
及防援下音舉音扈從上音城音  
下音思忖下音儔直音焚燎下音照音及音坼裂音  
上音瘡疱下音殞歿上音顧眄下音燔音賀音  
易上音希望下音擯斥下音梯登下音歐音嘔音  
正下音畔睇下音要期上音梯登下音都音及音耆音  
宿上音幢標下音管葺下音入下音撚音年音傘音  
柄散上音竹簞下音酬酢下音入下音羊音棘刺上音

疑七力反 賜反 下反 絹反 俱反 犬反 聊反 曬下所賣反 曼陀官上反 鄙反 碑反 美

十四末

貴二

積砂大藏經

根本說一切有部毗奈耶雜事

卅

第六七册